

কুরবানীর ফযীলত

“আরে হত্যা নয় এ সত্য ইহা, সত্যের উদ্বেদন---”

‘উহুইয়াহ’ কুরবানীর দিনসমূহে আল্লাহর সান্নিধ্য লাভের উদ্দেশ্যে যবেহ-যোগ্য উট, গরু, ছাগল বা ভেড়াকে বলা হয়। উক্ত শব্দটি ‘যুহা’ শব্দ থেকে গৃহীত যার অর্থ পূর্বাহ্ন। যেহেতু কুরবানী যবেহ করার উত্তম বা আফযল সময় হল ১০ই যুলহজ্জের (ঈদের দিনের) পূর্বাঙ্ককাল। তাই এই সামঞ্জস্যের জন্য তাকে ‘উহুইয়াহ’ বলা হয়েছে। যাকে ‘যাহিয়াহ’ বা ‘আযহাহ’ও বলা হয়। আর ‘আযহাহ’ এর বহুবচন ‘আযহা’। যার সহিত সম্পর্ক জুড়ে ঈদের নাম হয়েছে ‘ঈদুল আযহা’।

কুরবানী করা কি তাব, সূন্নাহ ও সর্ববাদীসম্মতিক্রমে বিধেয়। আল্লাহ তাআলা বলেন, (فَصَلِّ لِرَبِّكَ وَأَنْحِرْ) ‘অতএব তুমি নামায পড় তোমার প্রতিপালকের উদ্দেশ্যে এবং কুরবানী কর।

(সূরা আস্র ২ আয়াত)

“নবী ﷺ দশ বছর মদীনাতে অবস্থানকালে কুরবানী করেছেন।” (মুসনাদ আহমাদ, তিরমিযী) হযরত আনাস বলেন, ‘রসূল ﷺ দীর্ঘ (ও সুন্দর) দু’শিখবিশিষ্ট সাদা-কালো মিশ্রিত (মেটে বা ছাই) রঙের দু’টি দুম্বা কুরবানী করেছেন।’ (বুখারী, মুসলিম)

তিনি কোন বছরে কুরবানী তাগ করতেন না। (যাদুল মাআদ ২/৩১৭) যেমন তিনি তাঁর কর্ম দ্বারা কুরবানী করার উপর উচ্ছ্বাস করেছেন, তেমনি তিনি তাঁর বাক্য দ্বারাও অনুপ্রাণিত ও তাকীদ করেছেন। যেমন তিনি বলেন, “যে ব্যক্তি (ঈদের) নামাযের পূর্বে যবেহ করে সে নিজের জন্য যবেহ করে। আর যে নামাযের পরে যবেহ করে তার কুরবানী সিদ্ধ হয় এবং সে মুসলমানদের পথের অনুসারী হয়।” (বুখারী ৫২২৬নং)

তিনি আরো বলেন, “সামর্থ্য থাকা সত্ত্বেও যে কুরবানী করে না সে যেন অবশ্যই আমাদের ঈদগাহের নিকটবর্তী না হয়।” (মুসনাদ আহমাদ ২/৩২১, ইবন মাজাহ ২/১০৪৪, হাকেম ২/৩৮৯)

বস্ত্ততঃ কুরবানীতে আল্লাহর নৈকট্য লাভের উদ্দেশ্যে ইবাদতের খাতে অর্থব্যয় (ও স্বার্থত্যাগ) হয়। যাতে তওহীদবাদীদের ইমাম হযরত ইবরাহীম عليه السلام এর সূন্নাহ জীবিত হয়। ইসলামের একটি প্রতীকের বিকাশ ঘটে। পরিবার ও দরিদ্রদের উপর খরচ করা হয় এবং আত্মীয়-স্বজন ও বন্ধু-বান্ধবদের জন্য হাদিয়া ও উপঢৌকন পেশ করা হয়। এত কিছুর মাধ্যমে মুসলিম ঈদের খুশীর স্বাদ গ্রহণ করে থাকে। প্রকৃত পক্ষে মুসলিম আল্লাহর আনুগত্য করতে পেরেই আনন্দলাভ করতে পারে। সেই খুশীই তার আসল খুশী। রমযানের সারা দিন রোযা শেষে ইফতারের সময় তার খুশী হয়। পূর্ণ এক মাস রোযা করে সেই বিরাট আনুগত্যের মাধ্যমে ঈদের দিন তারই আনন্দ অনুভব করে থাকে। এই খুশীই তার যথার্থ খুশী। বাকী অন্যান্য পাখিব সুখ-বিলাসের খুশী খুশী নয়। বরং তা সর্বনাশের কদমবুসী।

অতঃপর জ্ঞাতব্য যে, যেমন হজ্জ না করে তার খরচ সদকাহ করলে ফরয আদায় হয় না, তেমনি কুরবানী না করে তার মূল্য সদকাহ করে অভীষ্ট সূন্নত আদায় হয় না। যেহেতু যবেহ হল আল্লাহর তা’যীম-সম্বলিত এক ইবাদত এবং তাঁর বীনের এক নিদর্শন ও প্রতীক। আর মূল্য সদকাহ করলে তা বাতিল হয়ে যায়। পক্ষান্তরে কুরবানী নবী ﷺ এর সূন্নাহ এবং সমগ্র মুসলিম জাতির এক আমল। আর কোথাও কথিত নেই যে, তাঁদের কেউ কুরবানীর পরিবর্তে তার মূল্য সদকাহ করেছেন। আবার যদি তা উত্তম হত তবে তাঁরা নিশ্চয় তার ব্যতিক্রম করতেন না।

(ফাতাওয়া ইবনে তাইমিয়াহ ২৬/৩০৪)

অর্থাৎ, অতএব তুমি তোমার প্রতিপালকের উদ্দেশ্যে নামায পড় ও কুরবানী কর। (সূরা আস্র)

আরো জ্ঞাতব্য বিষয় এই যে, মূলতঃ কুরবানী যথাসময়ে জীবিত ব্যক্তির তরফ থেকেই প্রাধানীয়। অবশ্য সে ইচ্ছা করলে তার সওয়াবে জীবিত অথবা মৃত আত্মীয়-স্বজনকেও শরীক করতে পারে। যেহেতু নবী ﷺ তাঁর সাহাবাবৃন্দ رضي الله عنهم নিজেদের এবং পরিবার-পরিজনদের তরফ থেকে কুরবানী করতেন।

একাধিক মৃতব্যক্তিকে একটি মাত্র কুরবানীর সওয়াবে শরীক করাও বৈধ; যদি তাদের মধ্যে কারো উপর কুরবানী ওয়াজেব (নযর) না থাকে তবে। রসূল ﷺ নিজের তরফ থেকে, পরিবার-পরিজনদের তরফ থেকে এবং সেই উচ্ছ্বাসের তরফ থেকে কুরবানী করেছেন; যারা আল্লাহর জন্য তওহীদের সাক্ষ্য দিয়েছে এবং তাঁর জন্য রিসালাত বা প্রচারের সাক্ষ্য দিয়েছে। (মুসনাদ আহমাদ ৬/৩৯১-৩৯২, বাইহাকী ৯/২৬৮) আর বিদিত যে, এই সাক্ষ্য প্রদানকারী কিছু উচ্ছ্বাস তাঁর যুগেই মারা গিয়েছিল। অতএব একই কুরবানীতে কেউ নিজ মৃত পিতামাতাকেও সওয়াবে শামিল করতে পারে।

মৃতব্যক্তির তরফ থেকে পৃথক কুরবানী করার কোন দলীল নেই। তবে করা যায়। যেহেতু কুরবানী করা এক প্রকার সদকাহ। আর মৃতের তরফ থেকে সদকাহ করা সিদ্ধ; যা যথাপ্রমাণিত এবং মৃতব্যক্তি তদ্বারা উপকৃতও হয়ে থাকে- ইনশাআল্লাহ। পরন্তু মৃতব্যক্তি এই শ্রেণীর পূণ্যকর্মের মুখাপেক্ষীও থাকে।

যেমন, একটি কুরবানীকে নিজের তরফ থেকে না দিয়ে কেবলমাত্র মৃতের জন্য নির্দিষ্ট করা ঠিক নয় এবং এতে আল্লাহ তাআলার সীমাহীন করুণা থেকে বঞ্চিত হওয়া উচিত নয়। বরং উচিত এই যে, নিজের নামের সহিত জীবিত-মৃত অন্যান্য আত্মীয়-পরিজনকে কুরবানীর নিয়তে শামিল করা। যেমন আল্লাহর নবী ﷺ কুরবানী যবেহ করার সময় বলেছেন, ‘হে আল্লাহ! এ (কুরবানী) মুহাম্মদের তরফ থেকে এবং মুহাম্মদের বংশধরের তরফ থেকে।’ সুতরাং তিনি নিজের নাম প্রথমে নিয়েছেন এবং সেই সঙ্গে বংশধরদেরকেও তার সওয়াবে শরীক করেছেন।

পক্ষান্তরে মৃতব্যক্তি যদি তার এক তৃতীয়াংশ সম্পদ থেকে কাউকে কুরবানী করতে অসীয়াত করে যায়, অথবা কিছু ওয়াকফ করে তার অর্জিত অর্থ থেকে কুরবানীর অসীয়াত করে যায়, তবে অসীর জন্য তা কার্যকর করা ওয়াজেব। কুরবানী না করে এই অর্থ সদকাহ খাতে ব্যয় করা বৈধ নয়। কারণ, তা সূন্নাহর ব্যত্যয় এবং অসিয়াতের রূপান্তর। অন্যথা যদি কুরবানীর জন্য অসিয়াতকৃত অর্থ সংকুলান না হয় তাহলে দুই অথবা ততোধিক বছরের অর্থ একত্রিত করে কুরবানী দিতে হবে। অবশ্য নিজের তরফ থেকে বাকী অর্থ পূরণ করে কুরবানী করলে তা সর্বোত্তম।

কুরবানীর আহকাম

কুরবানী করা আল্লাহর এক ইবাদত। আর কি তাব ও সূন্নাহ এ কথা প্রমাণিত যে, কোন আমল নেক, সালেহ বা ভালো হয় না, কিংবা গৃহীত ও নৈকট্যদানকারী হয় না; যতক্ষণ না তাতে দু’টি শর্ত পূর্ণ হয়েছে:

প্রথমতঃ- ইখলাস। অর্থাৎ, তা যেন খাঁটি আল্লাহরই উদ্দেশ্যে হয়। দ্বিতীয়তঃ- তা যেন আল্লাহ ও তদীয় রসূলের নির্দেশিত বিধি-বিধান অনুযায়ী হয়। আল্লাহ তাআলা বলেন,

(فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا)

অর্থাৎ, “যে তার প্রতিপালকের সাক্ষ্যে কামনা করে, সে যেন সংকর্ম করে এবং তার প্রতিপালকের ইবাদতে কাউকে শরীক না করে।” (সূরা কাহফ ১১০ আয়াত)

সুতরাং যারা কেবল বেশী করে গোপ্তু খাওয়ার উদ্দেশ্যে কুরবানী দেয় অথবা লোক সমাজে নাম কুড়াবার উদ্দেশ্যে মোটা-তাজা অতিরিক্ত মূল্যের পশু ক্রয় করে এবং তা প্রদর্শন ও প্রচার করে থাকে তাদের কুরবানী যে ইবাদত নয় তা বলাই বাহুল্য।

কুরবানীর জন্য কিছু শর্ত রয়েছেঃ-

(১) কুরবানীর পশু যেন সেই শ্রেণী বা বয়সের হয় যে শ্রেণী ও বয়স শরীয়ত নির্ধারিত করেছে। নির্ধারিত শ্রেণীর পশু চারাট; উট, গরু, ভেড়া ও ছাগল। অধিকাংশ উলামাদের মতে সবচেয়ে উৎকৃষ্ট কুরবানী হল উট, অতঃপর গরু, তৎপর মেঘ (ভেড়া), তারপর ছাগল। আবার নর মেঘ মাদা মেঘ অপেক্ষা উত্তম। যেহেতু এ প্রসঙ্গে দলীল বর্ণিত হয়েছে। (আযওয়াউল বায়ান ৫/৬৩৪)

একটি উট অথবা গরুতে সাত ব্যক্তি কুরবানীর জন্য শরীক হতে পারে। (মুসলিম ১৩১৮নং) কিন্তু মেঘ বা ছাগে ভাগাভাগি বৈধ নয়। তবে তার সওয়াবে একাধিক ব্যক্তিকে শরীক করা যাবে। সুতরাং একটি পরিবারের তরফ থেকে মাত্র একটি মেঘ বা ছাগ যথেষ্ট হবে। তাতে সেই পরিবারের লোক সংখ্যা যতই থাক না কেন। কিন্তু উট বা গরুর এক সপ্তাংশ একটি পরিবারের তরফ থেকে যথেষ্ট হবে কি? এ নিয়ে উলামাগণের মাঝে মতান্তর রয়েছে। কেউ বলেন, যথেষ্ট নয়। কারণ, তাতে ৭ জনের অধিক ব্যক্তির শরীক হওয়া বৈধ নয়। তা ছাড়া পরিবারের তরফ থেকে একটি পূর্ণ ‘দম’ (জান) যথেষ্ট হবে। আর ৭ ভাগের ১ ভাগ পূর্ণ দম নয়। (ফাতাওয়া শরখ মুহাম্মাদ দিন ইবরাহীম ৬/১৪৯) অনেকের মতে একটি মেঘ বা ছাগের মতই এক সপ্তাংশ উট বা গরু যথেষ্ট হবে। (মাজালিস আশরি যিলহজ্জাহ, শুমাইমিরী, ২৬পৃঃ আল-মুমতে’ ইবনে উসাইমীন ৭/৪৬২-৪৬৩)

বলা বাহুল্য, একটি পরিবারের তরফ থেকে এক বা দুই ভাগ গরু কুরবানী দেওয়ার চাইতে ১টি ছাগল বা ভেড়া দেওয়াটাই অধিক উত্তম।

কুরবানী ঘরে থাকা অবস্থায় দিলেও একটি গরু কুরবানীতে সাত ব্যক্তি অংশ নিতে পারবে, অনুরূপ সফরে বা হজ্জে থাকলেও ভাগাভাগি করা চলবে। অবশ্য এক সপ্তমাংশ ভাগ থেকে কম দেওয়া চলবে না। তবে এক সপ্তমাংশ ভাগের বেশি দিতে পারে। যেমন একটি গরুতে দুই, তিন, চার, পাঁচ বা ছয় জনও সমান ভাবে অথবা কমবেশি ভাগ নিয়ে অংশ গ্রহণ করতে পারে।

তবে কারো ভাগ যেন এক সপ্তমাংশ থেকে কম না হয়। সুতরাং কেউ অর্ধেক, কেউ এক তৃতীয়াংশ ও কেউ এক ষষ্ঠাংশ ভাগ কুরবানী দিতে পারে। (বাদইয়ুস সূনানি’ ৫/১৭)

কুরবানীর সাথে একটি ভাগ আকীকার উদ্দেশ্যে দেওয়া যথেষ্ট নয়। যেমন যথেষ্ট নয় একটি পশু কুরবানী ও আকীকার নিয়তে যবেহ করা। কুরবানী ও আকীকার জন্য পৃথক পৃথক পশু হতে হবে। অবশ্য যদি কোন শিশুর আকীকার দিন কুরবানীর দিনেই পরে এবং আকীকা যবেহ করে, তাহলে আর কুরবানী না দিলেও চলে। যেমন, দুটি গোসলের কারণ উপস্থিত হলে একটি গোসল করলেই যথেষ্ট, জুমআর দিনে ঈদের নামায পড়লে আর জুমআহ না পড়লেও চলে, বিদায়ের সময় হজ্জের তওয়াফ করলে আর বিদায়ী তওয়াফ না করলেও চলে, যোহরের সময় মসজিদে প্রবেশ করে যোহরের সূন্নত পড়লে পৃথক করে আর তাহিয়াতুল মাসজিদ পড়তে হয় না এবং তামাতু হজ্জের কুরবানী দিলে আর পৃথকভাবে কুরবানী না দিলেও চলে। (মানারুস সাবীল ১/২৮০) বয়সের দিক দিয়ে উটের পাঁচ বছর, গরুর দুই বছর এবং মেঘ ও ছাগের এক বছর হওয়া জরুরী। অবশ্য অসুবিধার ক্ষেত্রে ছয় মাস বয়সী মেঘ কুরবানী করা যায়। প্রিয়

নবী ﷺ বলেন, “দাঁতালো ছাড়া যবেহ করো না। তবে তা দুর্লভ হলে ছয় মাসের মেঘ যবেহ করা।” (মুসলিম ১৯৬৩নং)

(২) পশু নিম্নোক্ত ক্রটিসমূহ থেকে যেন মুক্ত হয়;

(ক) এক চোখে স্পষ্ট অন্ধত্ব। (খ) স্পষ্ট রোগ। (গ) স্পষ্ট খঞ্জতা। (ঘ) অস্তিম বার্ক্য। এ ব্যাপারে আল্লাহর রসূল ﷺ বলেন, “চার রকমের পশু কুরবানী বৈধ বা সিদ্ধ হবে না; (এক চক্ষু) স্পষ্ট অন্ধত্বে অন্ধ, স্পষ্ট রোগা, স্পষ্ট খঞ্জতায় খঞ্জ এবং দুরারোগ্য ভগ্নপদ।” (আবু দাউদ, তিরমিযী, নাসাঈ)

অতএব এই চারের কোন এক ক্রটিযুক্ত পশু দ্বারা কুরবানী সিদ্ধ হয় না। ইবনে কুদামাহ বলেন, “এ বিষয়ে কোন মতভেদ আমরা জানি না।” (মুগনী ১৩/৩৬৯)

ক্রটিগুলির বিস্তারিত ব্যাখ্যা নিম্নরূপঃ-

(ক) স্পষ্ট কানা (এক চক্ষুর অন্ধ) যার একটি চক্ষু ধুসে গেছে অথবা বেরিয়ে আছে। দৃষ্টিহীন হলে তা অধিক ক্রটি হবে। তবে যার চক্ষু সাদা হয়ে গেছে কিন্তু নষ্ট হয়নি তার কুরবানী সিদ্ধ হবে। কারণ, তা স্পষ্ট কানা নয়।

(খ) স্পষ্ট রোগের রোগা; যার উপর রোগের চিহ্ন প্রকাশিত। যে চরতে অথবা খেতে পারে না; যার দরুন দুর্বলতাও মাংসবিকৃতি হয়ে থাকে। তদনুরূপ চর্মরোগও একটি ক্রটি; যার কারণে চর্বি ও মাংস খারাপ হয়ে থাকে। তেমনি স্পষ্ট ক্ষত একটি ক্রটি; যদি তার ফলে পশুর উপর কোন প্রভাব পড়ে থাকে। যেমন গর্ভধারণও একটি ক্রটি।

(গ) দুরারোগ্য ভগ্নপদ। (ঘ) দুর্বলতা ও বার্ক্যের কারণে যার চর্বি ও মজ্জা নষ্ট অথবা শুষ্ক হয়ে গেছে।

উল্লিখিত হাদীস শরীফটিতে উপরোক্ত ক্রটিযুক্ত পশুর কুরবানী সিদ্ধ নয় বলে বিবৃত হয়েছে এবং বাকী অন্যান্য ক্রটির কথা বর্ণনা হয়নি। কিন্তু অধিকাংশ উলামাগণের মতে, যদি এই ক্রটিসমূহের অনুরূপ বা ততোধিক মন্দ ক্রটি কোন পশুতে পাওয়া যায় তাহলে তাতেও কুরবানী সিদ্ধ হবে না; যেমন, দুই চক্ষুর অন্ধ বা পা কাটা প্রভৃতি। (শারহুন নওবী ১৩/২৮)

খাতাবী (রাঃ) বলেন, হাদীসে একথার দলীল রয়েছে যে, কুরবানীর পশুতে সামান্য ক্রটি মার্জনীয়, যেহেতু হাদীসের বক্তব্য, “স্পষ্ট কানা, স্পষ্ট রোগা, স্পষ্ট খঞ্জ” অতএব এই ক্রটির সামান্য অংশ অস্পষ্ট হবে এবং তা মার্জনীয় ও অধর্তব্য হবে। (মাআলিমুস সুন্নান ৪/১০৬)

পক্ষান্তরে আরো কতকগুলি ক্রটি রয়েছে যাতে কুরবানী সিদ্ধ হয়ে যায়; কিন্তু তা মকরহ বলে বিবেচিত হয়। তাই এ জাতীয় ক্রটি থেকেও কুরবানীর পশুকে মুক্ত করা উত্তম। কারণ, যে ক্রটিযুক্ত পশু দ্বারা কুরবানী মকরহ তা নিম্নরূপঃ-

১। কান কাটা বা শিং ভাঙ্গা। এর দ্বারা কুরবানী মকরহ। তবে সিদ্ধ হয়ে যাবে। কারণ, এতে মাংসের কোন ক্ষতি বা কমি হয় না এবং সাধারণতঃ এমন ক্রটি বেশী পরিলক্ষিত হয়ে থাকে। কিন্তু যে পশুর জন্ম থেকেই শিং বা কান নেই তার দ্বারা কুরবানী মকরহ নয়। যেহেতু ভাঙ্গা বা কাটাতে পশু রক্তাক্ত ও ক্লিষ্ট হয়; যা এক রোগের মত। কিন্তু জন্ম থেকে না থাকাটা এ ধরনের কোন রোগ নয়। অবশ্য পূর্ণাঙ্গ পশুই আফযল।

২। লেজ কাটা। যার পূর্ণ অথবা কিছু অংশ লেজ কাটা গেছে তার কুরবানী মকরহ। ভেড়ার পুচ্ছে মাংসপিণ্ড কাটা থাকলে তার কুরবানী সিদ্ধ নয়। যেহেতু তা এক স্পষ্ট কমি এবং ঈপ্সিত অংশ। অবশ্য এমন জাতের ভেড়া যার পশুতে মাংস পিণ্ড হয় না তদ্বারা কুরবানী শুদ্ধ।

৩। কান চিরা, দৈর্ঘ্যে চিরা, পশুকে চিরা, সম্মুখ থেকে প্রস্থে চিরা, কান ফাটা ইত্যাদি।

৪। লিঙ্গ কাটা, মুক্ কাটা মকরহ নয়। যেহেতু খাসীর দেহ হস্তপুষ্ট ও মাংস উৎকৃষ্ট হয়।

৫। দাঁত ভাঙ্গা ও চামড়ার কোন অংশ অগভীর কাটা বা চিরা ইত্যাদি।

কুরবানী সিদ্ধ হওয়ার তৃতীয় শর্ত হল মালিকানা। অর্থাৎ, কুরবানীদাতা যেন বৈধভাবে এ পশুর মালিক হয়। সুতরাং চুরিকৃত, আত্মসংকৃত অথবা অবৈধ ক্রয়-বিক্রয়ে ক্রীত পশুর কুরবানী সিদ্ধ নয়। তদনুরূপ অবৈধ মূল্য (যেমন সুদ, ঘুস, প্রবঞ্চনা প্রভৃতির অর্থ) দ্বারা ক্রীত পশুর কুরবানীও জায়েয নয়। যেহেতু কুরবানী এক ইবাদত যার দ্বারা আল্লাহর নৈকট্য লাভ করা হয়। আর কুরবানীর পশুর মালিক হওয়ার এ সমস্ত পদ্ধতি হল পাপময়। আর পাপ দ্বারা কোন প্রকার নৈকট্য লাভ সম্ভব নয়। বরং তাতে দূরত্ব সৃষ্টি হয়। রসূল ﷺ বলেন, “আল্লাহ পবিত্র, তিনি পবিত্র ব্যতীত কিছু গ্রহণ করেন না।” (মুসলিম ১০১৫নং)

কুরবানীর পশু নির্ধারণে মুসলিমকে সর্বেশেষ যত্নবান হওয়া উচিত, যাতে পশু সর্বগুণে সম্পূর্ণ হয়। যেহেতু এটা আল্লাহর নিদর্শন ও তা'যীমযোগ্য দ্বীনী প্রতীকসমূহের অন্যতম। যা আত্মসংযম ও তাকওয়ার পরিচায়ক। আল্লাহ তাআলা বলেন,

(ذَلِكَ وَمَنْ يُعْظَمَ سَعَائِرَ اللَّهِ فَإِنَّهَا مِنْ تَقْوَى الْقُلُوبِ)

অর্থাৎ, “এটিই আল্লাহর বিধান, এবং কেউ আল্লাহর নিদর্শনাবলীর সম্মান করলে এতো তার হৃদয়ের তাকওয়া (ধর্মনিষ্ঠা) সঙ্গাত।” (সূরা হজ্জ ৩২ আয়াত)

এ তো সাধারণ দ্বীনী প্রতীকসমূহের কথা। নির্দিষ্টভাবে কুরবানীর পশু যে এক দ্বীনী প্রতীক এবং তার যত্ন করা যে আল্লাহর সম্মান ও তা'যীম করার শামিল, সে কথা অন্য এক আয়াত আমাদেরকে নির্দেশ করে। আল্লাহ বলেন,

() অর্থাৎ, “(কুরবানীর) উটকে তোমাদের জন্য আল্লাহর নিদর্শনাবলীর অন্যতম করেছে।” (সূরা হজ্জ ৩৬ আয়াত)

এখানে কুরবানী পশুর তা'যীম হবে তা উত্তম নির্বাচনের মাধ্যমে। ইবনে আকাস (রাঃ) প্রথম আয়াতের ব্যাখ্যা বলেন, ‘(কুরবানী পশুর সম্মান করার অর্থ হল, পুষ্ট মাংসল, সুন্দর ও বড় পশু নির্বাচন করা। (তফসীর ইবনে কাসীর ৩/২২৯)

রসূল ﷺ এর যুগে মুসলমানগণ দামী পশু কুরবানীর জন্য ক্রয় করতেন, মোটা-তাজা এবং উত্তম পশু বাছাই করতেন। যার দ্বারায় আল্লাহর নিদর্শনাবলীর তা'যীম ঘোষণা করতেন। যা একমাত্র তাঁদের তাকওয়া, আল্লাহভীতি ও আল্লাহপ্রেম থেকে উদ্গত হত। (ফাতহুল বারী ১০/৯)

অবশ্য মুসলিমকে এই স্থানে খেয়াল রাখা উচিত যে, মোটা-তাজা পশু কুরবানী করার উদ্দেশ্য কেবল উত্তম মাংস খাওয়া এবং আপোসে প্রতিযোগিতা করা না হয়। বরং উদ্দেশ্য আল্লাহর নিদর্শন ও ধর্মীয় এক প্রতীকের তা'যীম এবং তার মাধ্যমে আল্লাহর সমীপ্যলাভ হয়।

এ পশু ক্রয়ের সময় ক্রটিমুক্ত দেখা ও তার বয়সের খেয়াল রাখা উচিত। যেহেতু পশু যত নিখুঁত হবে তত আল্লাহর নিকট প্রিয় হবে, সওয়াবেও খুব বড় হবে এবং কুরবানীদাতার আন্তরিক তাকওয়ার পরিচায়ক হবে। কারণ, “আল্লাহর কাছে ওদের (কুরবানীর পশুর) মাংস এবং রক্ত পৌঁছে না, বরং তোমাদের তাকওয়া (ধর্মনিষ্ঠা) পৌঁছে থাকে। এভাবে তিনি এদেরকে তোমাদের অধীন করে দিয়েছেন যাতে তোমরা আল্লাহর শ্রেষ্ঠত্ব ঘোষণা কর; এ জন্য যে তিনি তোমাদের পথপ্রদর্শন করেছেন। সুতরাং (হে নবী!) তুমি সংকর্মপরায়ণদের সুসংবাদ দাও।” (সূরা হজ্জ ৩৭ আয়াত)

কুরবানীর পশু ক্রয়ের পর তাকে কথ্য দ্বারা (মুখে বলে) কুরবানীর জন্য নির্দিষ্ট করবে এবং কুরবানীর দিন তাকে কুরবানীর নিয়তে যবেহ করবে।

যখন কোন পশু কুরবানীর বলে নিবীত হয়ে যাবে তখন তার জন্য কতক আহকাম বিষয়ীভূত হবে।

১। এ পশুর স্বত্ব কুরবানীদাতার হাতছাড়া হবে। ফলে তা বিক্রয় করা, হেবা করা, উত্তমের বিনিময়ে ছাড়া পরিবর্তন করা বৈধ হবে না। যেহেতু যা আল্লাহর জন্য নির্দিষ্ট হয়েছে তার ক্রয়-বিক্রয় বৈধ নয়। তবে যেহেতু ওর চেয়ে উত্তম পশুর বিনিময়ে পরিবর্তন করাতে কুরবানীর মান অধিক বর্ধিত হয় তাই তা বৈধ। আর ওর চেয়ে মন্দ পশু দ্বারা পরিবর্তন অবৈধ। কারণ, তাতে কুরবানীর আংশিক পরিমাণ হাতছাড়া হয়।

কুরবানীর পশু নির্দিষ্টকারী ব্যক্তি যদি মারা যায় তাহলেও তা বিক্রয় করা বৈধ নয়। বরং তার উত্তরাধিকারীগণ তা যবেহ করে ভক্ষণ করবে, দান করবে ও উপঢৌকন দিবে।

২। যদি তার কোন ক্রটি দেখা দেয় তাহলে এ ক্রটি বড় না হলে (যাতে কুরবানী মকরহ হলেও সিদ্ধ হবে) যেমন, কান কাটা, শিং ভাঙ্গা ইত্যাদি তাই কুরবানী করবে। কিন্তু ক্রটি বড় হলে (যাতে কুরবানী সিদ্ধ হবে না, যেমন স্পষ্ট খঞ্জতা ইত্যাদি) যদি তা নিজ কর্মদোষে হয়, তাহলে তার পরিবর্তে ক্রটিহীন পশু কুরবানী করা জরুরী হবে। আর এ ক্রটিযুক্ত পশুটি তার অধিকারভুক্ত হবে। তবে এ ক্রটি যদি কুরবানীদাতার কর্মদোষে বা অবহেলায় না হয় তাহলে ওটাই কুরবানী করা তার জন্য সিদ্ধ হবে।

কিন্তু নিগূণের পূর্বে যদি কুরবানী তার উপর ওয়াজেব থাকে, যেমন কেউ কুরবানীর নযর মেনে থাকে এবং তারপর কোন ছাগল তার জন্য নিবীত করে এবং তারপর তার নিজ দোষে তা ক্রটিযুক্ত না হয়ে অন্য কারণে হয়ে থাকে, তা হলেও ক্রটিহীন পশু দ্বারা তার পরিবর্তন জরুরী হবে।

৩। কুরবানীর পশু হারিয়ে বা চুরি হয়ে গেলে, যদি তা কুরবানী দাতার অবহেলার ফলে না

হয় তাহলে তার উপর অন্য কুরবানী জরুরী নয়। কারণ, তা তার হাতে এক প্রকার আমানত, যা সযত্ন সত্বেও বিনষ্ট হলে তার যামানত নেই। তবে ভবিষ্যতে এ পশু যদি ফিরে পায় তবে কুরবানীর সময় পার হয়ে গেলেও এ সময়েই তা যবেহ করবে। কিন্তু যদি কুরবানী দাতার অবহেলা ও অযত্নের কারণে রক্ষা না করার ফলে হারিয়ে বা চুরি হয়ে যায় তাহলে তার পরিবর্তে কোন পশু কুরবানী করা জরুরী হবে।

৪। কুরবানীর পশুর কোন অংশ (মাংস, চর্বি, চামড়া, দড়ি ইত্যাদি) বিক্রয় করা বৈধ হবে না। কারণ, তা আল্লাহর উদ্দেশ্যে উৎসর্গীকৃত বস্তু, তাই কোনও প্রকারে পুনরায় তা নিজের ব্যবহারে ফিরিয়ে আনা বৈধ নয়। তদনুরূপ ওর কোনও অংশ দ্বারা কসাইকে পারিশ্রমিক দেওয়া বৈধ নয়। যেহেতু সেটাও এক প্রকার বিনিময় যা ক্রয়-বিক্রয়ের মত। (বুখারী ১৬৩০, মুসলিম ১৩১৭নং)

অবশ্য কসাই গরীব হলে দান স্বরূপ অথবা গরীব না হলে হাদিয়া স্বরূপ তাকে কুরবানীর গোষ্ঠে ইত্যাদি দেওয়া দুযনীয় নয়। যেহেতু তখন তাকে অন্যান্য হকদারদের শামিল মনে করা

হবে; বরং সেই অধিক হকদার হবে। কারণ সে ঐ কুরবানীতে কর্মযোগে শরীক হয়েছে এবং তার মন ওর প্রতি আশান্বিত হয়েছে। তবে উত্তম এই যে, তার মজুরী আগে মিটিয়ে দেবে এবং পরে কিছু দান বা হাদিয়া দেবে। যাতে কোন সন্দেহ ও গোলযোগই অবশিষ্ট না থাকে। (ফাতহুল বারী ৩/৫৫৬)

যবেহর সময় ও নিয়ত

কুরবানী এক ইবাদত। যা তার নিজস্ব সময় ছাড়া অন্য সময়ে সিদ্ধ হয় না। এই কুরবানীর সময় দশই যুলহজ্জ সৈদের নামায়ের পর। নামায়ের পূর্বে কেউ যবেহ করলে তার কুরবানী হয় না এবং নামায়ের পর ওর পরিবর্তে কুরবানী করা জরুরী হয়।

আর আফযল এটাই যে, নামায়ের পর খুবতা শেষ হলে তবে যবেহ করা। যে ব্যক্তি ভালরূপে যবেহ করতে পারে তার উচিত, নিজের কুরবানী নিজের হাতে যবেহ করা এবং অপরকে ভার না দেওয়া। যেহেতু আল্লাহর রসূল ﷺ স্বহস্তে নিজ কুরবানী যবেহ করেছেন। এবং যেহেতু কুরবানী নৈকট্যাদানকারী এক ইবাদত তাই এই নৈকট্য লাভের কাজে অপরকে সাহায্য না নিয়ে নিজস্ব কর্মবলে লাভ করা উত্তম। ইমাম বুখারী (রাঃ) বলেন, ‘আবু মুসা (রাঃ) তাঁর কন্যাদেরকে আদেশ করেছিলেন যে, তারা যেন নিজের কুরবানী নিজের হাতে যবেহ করে।’ (ফাতহুল বারী ১০/১৯) পক্ষান্তরে যবেহ করার জন্য অপরকে নায়েব করাও বৈধ। যেহেতু এক সময়ে নবী ﷺ নিজের হাতে তেযাটটি কুরবানী যবেহ করেছিলেন এবং বাকী উট যবেহ করতে হযরত আলী (রাঃ) কে প্রতিনিধি করছিলেন। (মুসলিম)

যবেহ করার সময় বিশেষ লক্ষণীয় ও কর্তব্যঃ-

১। পশুর প্রতি দয়া করা ও অনুগ্রহ প্রদর্শন করা। আর তা নিম্ন পদ্ধতিতে সম্ভব;

(ক) সেইরূপ ব্যবস্থা নিয়ে যবেহ করা, যাতে পশুর অধিক কষ্ট না হয় এবং সহজেই সে প্রাণত্যাগ করতে পারে।

(খ) যবেহ যেন খুব তীক্ষ্ণ ধারালো অস্ত্র দ্বারা হয় এবং তা খুবই শীঘ্রতা ও শক্তির সাথে যবেহস্থলে (গলায়) পৌঁচানো হয়।

ফলকথা, পশুর বিনা কষ্টে খুবই শীঘ্রতার সহিত তার প্রাণ বধ করাই উদ্দেশ্য। এ বিষয়ে দয়ার নবী ﷺ বলেন, ‘‘অবশ্যই আল্লাহ প্রত্যেক বস্তুর উপর অনুগ্রহ লিপিবদ্ধ (জরুরী) করেছেন। সুতরাং যখন (জিহাদ বা হুদে) হত্যা কর তখন উত্তমরূপে অনুগ্রহের সহিত হত্যা কর এবং যখন যবেহ কর তখন উত্তমরূপে অনুগ্রহের সহিত যবেহ কর। তোমাদের উচিত, ছুরিকে ধারালো করা এবং বধ্য পশুকে আরাম দেওয়া।’’ (মুসলিম ১৯৫৫নং)

বধ্য পশুর সম্মুখেই ছুরি শান দেওয়া উচিত নয় (মকরহ)। যেহেতু নবী ﷺ ছুরি শান দিতে এবং তা পশু থেকে গোপন করতে আদেশ করেছেন এবং বলেছেন, ‘‘যখন তোমাদের কেউ যবেহ করবে তখন যেন তা ডাড়াডাড়া করে।’’ (মুসনাদ আহমাদ ২/১০৮, ইবনে মাজাহ ৩/১৭২নং, সহীহ তারগীব ১/৫২৯)

আর যেহেতু পশুর চোখের সামনেই ছুরি ধর দেওয়ায় তাকে চকিত করা হয়; যা বাঞ্ছিত

অনুগ্রহ ও দয়াশীলতার প্রতিকূল।

তদনুরূপ এককে অপরকে সামনে যবেহ করা এবং ধরে-বেঁধে বল প্রয়োগ করে যবেহস্থলে টেনে নিয়ে যাওয়াও মকরহ।

২। কুরবানী যদি উট হয় তাহলে বাম পা বাঁধা অবস্থায় দাঁড় করিয়ে নহর করা হবে। আল্লাহ পাক বলেন, ‘‘সুতরাং দন্ডায়মান অবস্থায় ওদের যবেহকালে তোমরা আল্লাহর নাম নাও।’’ (কুঃ ২২/৩৬) ইবনে আব্বাস (রাঃ) এই আয়াতের তফসীলে বলেন, ‘‘বাম পা বেঁধে তিন পায়ের উপর দন্ডায়মান অবস্থায় (নহর করা হবে)।’’ (তফসীর ইবনে কাসীর)

যদি উট ছাড়া অন্য পশু হয় তাহলে তা বামকাতে শয়নাবস্থায় যবেহ করা হবে। যেহেতু তা সহজ এবং ডান হাতে ছুরি নিয়ে বাম হাতে দ্বারা মাথায় চাপ দিয়ে ধরতে সুবিধা হবে। তবে যদি যবেহকারী নেটা বা বেঁগে হয় তাহলে সে পশুকে ডানকাতে শুইয়ে যবেহ করতে পারে। যেহেতু সহজ উপায়ে যবেহ করা ও পশুকে আরাম দেওয়াই উদ্দেশ্য।

পশুর গর্দানের এক প্রান্তে পা রেখে যবেহ করা মুস্তাহাব। যাতে পশুকে অনায়াসে কাবু করা যায়। কিন্তু গর্দানের পিছন দিকে পা মুচড়ে ধরা বৈধ নয়। কারণ, তাতে পশু অধিক কষ্ট পায়।

৩। যবেহকালে পশুকে কেবলমুখে শয়ন করাবে। (আবু দাউদ, ইবনে মাজাহ ২/১০৪৩, হাদীসটির সনদে সমালোচনা করা হয়েছে) অনামুখে শুইয়েও যবেহ করা সিদ্ধ হবে। যেহেতু কেবলমুখ করে শুইয়ে যবেহ করা ওয়াজেব হওয়ার ব্যাপারে কোন শুদ্ধ প্রমাণ নেই। (আহকামুল উযহিয়াহ ৮৮, ৯৫পৃঃ)

৪। যবেহকালে আল্লাহর নাম নেওয়া (‘বিসমিল্লাহ’ বলা) ওয়াজেব। আল্লাহ তাআলা বলেন, ‘‘যদি তোমরা তাঁর নিদর্শনসমূহের বিস্বাসী হও তবে যাতে (যে পশুর যবেহ করার সময়) আল্লাহর নাম নেওয়া হয়েছে তা আহার করা।’’ (কুঃ ৬/১১৮) ‘‘এবং যাতে আল্লাহর নাম নেওয়া হয়নি তা হতে তোমরা আহার করো না; উহা অবশ্যই পাপ।’’ (কুঃ ৬/১২১)

আর নবী ﷺ বলেন, ‘‘যা খুন বহায় এবং যাতে আল্লাহর নাম নেওয়া হয় তা ভক্ষণ করা।’’ (বুখারী ২৩৫৬, মুসলিম ১৯৬৮নং)

‘বিসমিল্লাহ’র সহিত ‘আল্লাহ আকবার’ যুক্ত করা মুস্তাহাব। অবশ্য এর সঙ্গে কবুল করার দুআ ছাড়া অন্য কিছু অতিরিক্ত করা বিধেয় নয়। অতএব বলবে,

‘বিসমিল্লাহি অল্লাহু আকবার, অল্লাহুস্মা ইন্নাহা মিন্কা অলাক, অল্লাহুস্মা তাক্বাবাল মিন্নী।’

(কেবল নিজের তরফ থেকে হলে)। নিজের এবং পরিবারের তরফ থেকে হলে বলবে, ‘---

তাক্বাবাল মিন্নী অমিন আহলে বাইতী।’ অপরকে নামে হলে বলবে, ‘---তাক্বাবাল মিন (এখানে যার তরফ থেকে কুরবানী তার নাম নেবে)। (মানাসিকুল হাজ্জ, আলবানী ৩৬পৃঃ)

এই সময় নবী সাল্লাল্লাহু আলাইহি অসাল্লামের উপর দরদ পাঠ করা বিধেয় নয়। যেমন ‘বিসমিল্লাহ’র সহিত ‘আর রাহমানির রাহীম’ যোগ করাও সুন্নত নয়। যেহেতু এ সম্বন্ধে কোন দলীল নেই। যেমন যবেহ করার লম্বা দুআ ‘ইন্নী অজ্জাহতু’ এর হাদীস যরীফ। (যরীফ আবু দাউদ ৫৯৭নং)

যবেহর ঠিক অব্যবহিত পূর্বে ‘বিসমিল্লাহ’ পাঠ জরুরী। এর পর যদি লম্বা ব্যবধান পড়ে যায়, তাহলে পুনরায় তা ফিরিয়ে বলতে হবে। তবে ছুরি ইত্যাদি হাতে নিয়ে প্রস্তুতি নেওয়ায় যেটুকু ব্যবধান তাতে ‘বিসমিল্লাহ’ ফিরিয়ে পড়তে হয় না।

আবার ‘বিসমিল্লাহ’ শুধু সেই পশুর জন্যই পরিগণিত হবে যাকে যবেহ করার সঙ্কল্প করা হয়েছে। অতএব এক পশুর জন্য ‘বিসমিল্লাহ’ পড়ে অপর পশু যবেহ বৈধ নয়। বরং অপরকে জন্য পুনরায় ‘বিসমিল্লাহ’ পড়া জরুরী। অবশ্য ‘বিসমিল্লাহ’ বলার পর অস্ত্র পরিবর্তন করাতে আর পুনরায় পড়তে হয় না।

৫। যবেহতে খুন বহা জরুরী। আর তা দুই শাহরগ (কঠনালীর দুই পাশে দু’টি মোটা আকারের শিরা) কাটলে অধিকরূপে সম্ভব হয়। প্রিয় নবী ﷺ বলেন, ‘‘যা খুন বহায়, যাতে আল্লাহর নাম নেওয়া হয় তা ভক্ষণ কর। তবে যেন (যবেহ করার অস্ত্র) দাঁত বা নখ না হয়।’’ (আহমাদ, বুখারী, মুসলিম প্রভৃতি, সহীহল জামে’ ৫৫৬নং)

সুতরাং রক্ত প্রবাহিত ও শুদ্ধ যবেহ হওয়ার জন্য চারটি অঙ্গ কাটা জরুরী; শ্বাসনালী, খাদনালী এবং পার্শ্বস্থ দুই মোটা শিরা।

৬। প্রাণ ত্যাগ করার পূর্বে পশুর অন্য কোন অঙ্গ কেটে কষ্ট দেওয়া হারাম। যেমন ঘাড় মটকানো, পায়ের শিরা কাটা, চামড়া ছাড়ানো ইত্যাদি জান যাওয়ার আগে বৈধ নয়। অনুরূপভাবে দেহ আড়ষ্ট হয়ে এলে চামড়া ছাড়তে শুরু করার পর যদি পুনরায় লাফিয়ে ওঠে তাহলে আরো কিছুক্ষণ প্রাণ ত্যাগ করা কাল পর্যন্ত অপেক্ষা করবে। যেহেতু অন্যভাবে পশুকে কষ্ট দেওয়া আদৌ বৈধ নয়।

প্রকাশ্য থাকে যে, যবেহ করার জন্য পবিত্রতা বা যবেহকারীকে পুরুষ হওয়া শর্ত নয়। যেমন মাথায় টুপী রাখা বা মাথা ঢাকাও বিধিবদ্ধ নয়। অবশ্য বিশ্বাস ও ঈমানের পবিত্রতা জরুরী। সুতরাং কাকের, মূশরিক (মাযার বা কবরপূজারী) ও বেনামাযীর হাতে যবেহ শুদ্ধ নয়।

কুরবানীর দিনের ফযীলত ও তার অযীফাহ

কুরবানীর দিন এক মহান দিন। এই দিনকে ‘হজ্জ আকবার’ এর দিন বলা হয়। (আবু দাউদ ৫/৪২০, ইবনে মাজাহ ২/১০১৬) এই দিন সারা বছরের শ্রেষ্ঠতম দিন। নবী ﷺ বলেন, ‘আল্লাহর নিকট মহানতম দিন কুরবানীর দিন। অতঃপর স্থিরতার (কুরবানীর পরের) দিন। (আবু দাউদ ৫/১৭৪, মিশকাত ২/৮১০)

কুরবানীর ঈদ বা ঈদুল আযহা, রোযার ঈদ বা ঈদুল ফিতর অপেক্ষা উত্তম। কারণ, ঈদুল আযহাতে নামায ও কুরবানী আছে। কিন্তু ঈদুল ফিতরে আছে নামায ও সদকাহ। আর কুরবানী সদকাহ অপেক্ষা উত্তম। আবার কুরবানীর দিনে হাজীদের জন্য স্থান ও কালের মাহাত্ম্য ও পবিত্রতা একত্রিত হয়। যেহেতু ঐ সময় পবিত্র কাবাগৃহের হজ্জ হয়। আর যার পূর্বে আরাফার দিন ও পরে তাশরীকের তিন দিন। এবং ঐ দিনগুলির সবটাই হাজীদের জন্য ঈদ। (লাতয়েফুল মাআরিফ ৩ ১৮-পৃঃ)

এই দিনে কতকগুলি পালনীয় অযীফাহ রয়েছে যা পর্যায়ক্রমে নিম্নরূপঃ-

১- ঈদগাহের প্রতি বহির্গমনঃ-

এই দিনে সুন্দর পোষাক ও বেশ-ভূষায় সজ্জিত হয়ে উত্তম খোশবু মেখে ঈদগাহে যাওয়া সুন্নত। যেহেতু এই দিন সৌন্দর্য ও সাজ-সজ্জার দিন। যেমন ঈদের জন্য গোসল করা কিছু সলফ, সাহাবা ও তাবেরীয়ন কর্তৃক শুদ্ধভাবে প্রমাণিত আছে। (ফাতহুল বারী ২/৪৩৯, মুগনী ৩/২৫৬)

মুসলিম খুবই সকাল সকাল ঈদগাহে পৌঁছে ইমামের নিকটবর্তী স্থানে বসার চেষ্টা করবে। এতে নামায়ের জন্য প্রতীক্ষার সওয়াব লাভ করবে। ঈদগাহে যাবার পথে তকবীর পাঠ করবে। ইমাম বের হওয়া (নামাযে দাঁড়ানো) পর্যন্ত ঐ তকবীর পড়া সুন্নত।

যুহুরী বলেন, লোকেরা ঈদের সময় তকবীর পাঠ করত, যখন ঘর হতে বের হত তখন থেকে শুরু করে ঈদগাহ পর্যন্ত পথে এবং ইমাম বের হওয়া পর্যন্ত ঈদগাহে তকবীর পড়ত। ইমামকে (নামাযে দাঁড়াতে) দেখে সকলেই চুপ হয়ে যেত। পুনরায় ইমাম যখন (নামায়ের) তকবীর পড়তেন তখন আবার সকলে তকবীর পড়ত। (ইবনে আব্বী শাইবাহ ২/১৬৫, ইরওয়াউল গলীল ৩/১২১)

সকলেই এই তকবীর উচ্চস্বরে পাঠ করবে। তবে একই সঙ্গে সমস্ত তকবীর পাঠ বৈধ নয়। উল্লেখ্য যে, ঈদুল ফিতরের চেয়ে ঈদুল আযহার তকবীর অধিকরূপে তাকীদপ্রাপ্ত। (মাজ্মূ ফাতাওয়া, ইবনে তাইমিয়াহ ২৪/২২১)

ঈদগাহে পায়ের হেঁটে যাওয়াই স্মৃত। অবশ্য ঈদগাহ দূর হলে অথবা অন্য কোন ওজর ও অসুবিধার ক্ষেত্রে সওয়ার হয়েও যাওয়া চলে। (মুগনী ৩/২৬২)

ঈদুল আযহার দিন নামায়ের পূর্বে কিছু না খাওয়া স্মৃত। আর ঈদুল ফিতরের দিন ইদগাহে বের হওয়ার পূর্বে কিছু খাওয়া স্মৃত। (তিরমিযী ৩/৯৮, ইবনে মাজাহ ১/২৯২) ইবনুল কাইয়েম বলেন, 'তিনি ঈদুল আযহার দিন ঈদগাহ থেকে ফিরে এসে (কুরবানী করে) কুরবানীর (গোশু) খেতেন।' (যাদুল মাআদ ১/৪৪১)

২- ঈদের নামাযঃ-

এই নামায স্মৃতে মুয়াক্কাফা। কোন সক্ষম মুসলিমের জন্য তা ত্যাগ করা বা আদায় করতে অবহেলা করা উচিত নয়। শিশুদেরকেও এই নামাযে উপস্থিত হতে উদ্বুদ্ধ করবে সৌন্দর্য প্রকাশ না হলে, পর্দার রীতি থাকলে এবং পথে ও ঈদগাহে নারী-পুরুষে মিলা-মিশার ভয় না থাকলে মহিলারা জামাআতে शामिल হবে। বরং পর্দার ব্যবস্থা করে ঈদগাহে মহিলাদেরকে উপস্থিত হয়ে নামায পড়ার বন্দোবস্ত করা জরুরী। যাতে খাতুবতী মহিলারাও নামাযে না হলেও দুআ ও খুশীতে শরীক হবে। এছাড়া পৃথকভাবে কেবল মেয়েদের জন্য যেন বাড়িতে বা মসজিদে ঈদের নামায়ের কথা শরীয়তে উল্লেখিত নেই।

অনেক ওলামা যেমন, ইবনে তাইমিয়াহ, ইবনুল কাইয়েম, শওকানী, সিদ্দীক হাসান খান প্রভৃতিগণের মতে এই নামায ওয়াজেব।

ঈদের নামায়ের জামাআত ছুটে গেলে একাকী দুই রাকআত নামায পড়ে নেবে। (ফাতহুল বারী ২/৪৭৪) ঈদের খুতবাহ শোনো স্মৃত। তবে উপস্থিত থেকে তাতে লাভবান হওয়া উচিত। খুতবাহ শেষে (যে পথে গিয়েছিল তার) ভিন্ন পথে বাড়ি ফিরবে। (বুখারী ৯৪০নং)

৩। কুরবানী যবেহ ও গোশু বিতরণঃ-

পূর্বে আলোচিত হয়েছে যে কুরবানী যবেহর সময় ঈদের খুতবা শেষ হলে শুরু হয়। কুরবানী দাতার জন্য স্মৃত যে, সে তা থেকে খাবে, আত্মীয়-স্বজনকে (তার কুরবানী দিক, চাই না দিক) হাদিয়া দেবে এবং গরীবদেরকে সদকাহ করবে। আল্লাহ তাআলা এ বিষয়ে বলেন,

() অর্থাৎ, অতঃপর তোমরা তা হতে ভক্ষণ কর এবং নিঃস্ব অভাবগ্রস্তদেরকে ভক্ষণ করাও। (কুঃ ২২/২৮)

প্রিয় নবী ﷺ বলেন, (কুরবানীর গোশু) তোমরা খাও, জমা কর, এবং দান কর।" তিনি আরো বলেন, "তা খাও, খাওয়াও এবং জমা রাখ।" (মুসলিম ১৯৭১নং)

উপরক্ত আয়াত বা হাদীসে খাওয়া, হাদিয়া দেওয়া ও দান করার কোন নির্দিষ্ট পরিমাণ বিবৃত হয়নি। তবে অধিকাংশ ওলামাগণ মনে করেন যে, সমস্ত মাংসকে তিন ভাগ করে এক ভাগ খাওয়া, এক ভাগ আত্মীয়-স্বজনকে হাদিয়া দেওয়া এবং এক ভাগ গরীবদেরকে দান করা উত্তম।

কুরবানীর গোশু হতে অমুসলিমকে তার অভাব, আত্মীয়তা, প্রতিবেশ অথবা তাকে ইসলামের প্রতি অনুরাগী করার জন্য দেওয়া বৈধ। আর তা ইসলামের এক মহানুভবতা। (মুগনী ১৩/৩৮-১, ফাতহুল বারী ১০/৪৪২)

তিন দিনের অধিক কুরবানীর গোশু খাওয়া নিষিদ্ধ হওয়া সংক্রান্ত হাদীসটি মনসুখ (রহিত) হলেও যেখানে দুর্ভিক্ষ থাকে সেখানে তিন দিনের অধিক গোশু জমা রাখা বৈধ নয়। (ফাতহুল বারী ১০/২৮, ইনসাফ ৪/১০৭)

কুরবানীদাতা পশু যবেহ করার পর চুল নখ ইত্যাদি কাটতে পারে। তবে এতে কুরবানী দেওয়ার সমান সওয়াব লাভ হওয়ার কথা ঠিক নয়।

আর দাড়ি কোন সময়কার জন্য চাঁছা ধৈ নয়। কিন্তু বহু মানুষ আছে যারা কুরবানী করার সাথে সাথে নিজের দাড়িও কুরবানী (?) করে থাকে! কেউ কেউ তো নামাযে বের হওয়ার পূর্বেই দাড়ি চেঁছে সাজ-সজ্জাকরে। অথচ সে এ কাজ করে তিনটি পাপে আলিপ্ত হয়,

১- দাড়ি চাঁচার পাপ ২- পাপ কাজের মাধ্যমে ঈদের জন্য সৌন্দর্য অর্জন করার পাপ এবং ৩- কুরবানীর পশু যবেহ করার পূর্বে চুল (দাড়ি) কাটার পাপ। (সালতুল ঈদাইন আলবানী ৪০পৃঃ)

পরন্তু এই অপকর্মে কয়েকটি বিরুদ্ধাচরণ রয়েছে। ১- দাড়ি বর্ধনের উপর রসুলের আদেশ উল্লেখন এবং তাতে তাঁর বিরোধিতা। ২- কাফেরদের প্রতিরূপ ধারণ। অথচ ﷺ বলেন, "যে ব্যক্তি যে জাতির সাদৃশ্য ধারণ করে সে তাদেরই শ্রেণীভুক্ত।" ৩- নারীদের সাদৃশ্য অবলম্বন। অথচ তিনি নারীদের আকৃতি ধারণকারী পুরুষকে অভিসম্পাত করেছেন। ৪- (আল্লাহর বিনা অনুমতিতে) আল্লাহর সৃষ্টির পরিবর্তন এবং শয়তানের প্রতিজ্ঞার আনুগত্য। যেমন, সে আল্লাহর কাছে প্রতিজ্ঞা করেছে। আল্লাহ বলেন,

﴿ لَعْنَةُ اللَّهِ وَالَّذِينَ لَا يُخَذُّنَ مِنْ عِبَادِكَ نَسِيماً مَّفْرُوضاً ﴿۱﴾ وَأُولَئِكَ هُمْ بِأَسْمَائِهِمْ وَآلِهِمْ فَلْيَحْذَرُوا آيَاتِي أَنْ يَحْذَرُوا آيَاتِي وَلْيَسْمَعُوا الْكَلِمَاتِ الَّتِي خَلَقَ اللَّهُ مِنْ تَحْتِ أَلْسِنَتِهِمْ وَلْيَحْذَرُوا آيَاتِي أَنْ يَحْذَرُوا آيَاتِي وَلْيَسْمَعُوا الْكَلِمَاتِ الَّتِي خَلَقَ اللَّهُ مِنْ تَحْتِ أَلْسِنَتِهِمْ ﴾

অর্থাৎ, আল্লাহ তাকে অভিসম্পাত করেন এবং সে (শয়তান) বলে, 'আমি তোমার বান্দাদের একটা নির্দিষ্ট অংশকে (নিজের দলে) গ্রহণ করবই। থাকে পথভ্রষ্ট করবই, তাদের হৃদয়ে মিথ্যা বাসনার সৃষ্টি করবই, আমি তাদেরকে নিশ্চয় নির্দেশ দেব, ফলে তারা পশুর কর্ণচ্ছেদ করবেই, এবং তাদেরকে অবশ্যই নির্দেশ দেব, ফলে তারা আল্লাহর সৃষ্টি বিকৃত করবেই।' আর যে আল্লাহর পরিবর্তে শয়তানকে অভিভাবকরূপে গ্রহণ করবে, নিশ্চয় সে প্রত্যক্ষভাবে ক্ষতিগ্রস্ত হবে। (সূরা নিসা ১১৮- ১১৯ আয়াত)

৪। ঈদের মুবারকবাদঃ-

ঈদের দিন এক অপরকে মুবারকবাদ দেওয়ায় ও শুভেচ্ছা জ্ঞাপনে কোন দোষ নেই। যেমন, 'তাক্বাল্লাল্লাহু মিন্না অমিনকুম' (আল্লাহ আমাদের ও আপনাদের নিকট থেকে (ইবাদত) মঞ্জুর করেন, ঈদ মুবারক ইত্যাদি দুআমূলক বা ক্যা বলে এক অপরকে সাক্ষাৎ করা বৈধ। যেহেতু ঈদে ও অন্যান্য খুশীতে মুবারকবাদ দেওয়া, বর্কত, মঙ্গল ও মঞ্জুরের দুআ করা) ইসলামে স্পষ্টভাবে স্বীকৃত।

যেমন, সাহাবাগণ ঈদগাহ হতে ফিরার সময় এক অপরকে বলতেন, 'তাক্বাল্লাল্লাহু মিন্না অমিনক।' (হাবী ১/৮২, ফাতহুল বারী ২/৪৪৬, তামামুল মিম্বাহ ৩৫৪পৃঃ)

অবশ্য ঈদের খুশীতে মুবারকবাদ দেওয়ার ব্যাপারে নবী ﷺ কর্তৃক কোন হাদীস প্রমাণিত নেই। তবে কিছু সাহাবা ও তাবয়ীন হতে এ কথা শুদ্ধরূপে প্রমাণিত আছে। অতএব কেউ এ কাজ করলে করতেও পারে এবং ছাড়লে ছাড়তেও পারে। (মাজ্মূ ফাতাওয়া ২৪/২৫৩)

৫। পিতা-মাতা ও আত্মীয়-স্বজনদের সহিত সাক্ষাৎঃ-

পিতা-মাতার প্রতি সদ্‌বাহার ও জ্ঞাতি-বন্ধনের দাবী এই যে, বিশেষ করে ঈদের দিন তাদের যিয়ারত করা। তাদের অবস্থা প্রসঙ্গে জিজ্ঞাসাবাদ করা, ঈদের খুশী ও সুখে তাদের শরীক হওয়া। পিতামাতা থেকে পৃথক থাকলে (বা এক বাড়িতে না থাকলে) তাদের যিয়ারত পূর্বের জন্য সুনিশ্চিত হয়। অতঃপর আত্মীয়-স্বজনদের যিয়ারত ও তার পর স্বামী-স্ত্রীর যিয়ারত করা কর্তব্য। সুতরাং বন্ধু-বান্ধব ও আত্মীয়-স্বজনের যিয়ারতকে পিতা-মাতার যিয়ারতের উপর প্রাধান্য দেওয়া আদৌ বৈধ নয়।

যেমন, এই যিয়ারতে বেগানা নারী-পুরুষ, যুবক-যুবতী, কিশোর-কিশোরীর অবাধ মিলামিশা, পর্দাহীনতা, নারীদের নানান সাজ-সজ্জা ও অঙ্গরণে সুগন্ধ মেখে গায়ের মাহরাম (গম্য) পুরুষদের সহিত সাক্ষাৎ ও মুসাফাহাহ ইত্যাদি হারাম।

জ্ঞাতি-বন্ধন জাগরক রাখার জন্য ঈদ এক বড় শুভপর্ব। যেদিন প্রায় সকলের মুখে হাসির ফুলকুড়ি ফুটে ওঠে। কিন্তু এমন অনেক মানুষ থাকে যাদের সে হাসি ওষ্ঠাধরে পৌঁছানোর পূর্বে হৃদয় মাঝেই বিলীন হয়ে যায়। তারা খুশীর স্বাদ অনুভব করতে সক্ষম হয় না। বরং মনঃকণ্ঠে অনেকের চক্ষুদ্বয় অশ্রুসিক্ত হয়। এমন লোকদেরকে বেছে তাদের হাসি ফুটিয়ে তুলতে সহযোগিতা করা এক মহান কাজ। এ দিনে আত্মীয় ও প্রতিবেশীর কোন অনাথ, এতীম, দুঃস্থ, দাস-দাসী, বিধবা অভিগিনীদের কথা বিস্মৃত হওয়া উচিত নয়। এ উপলক্ষে তাদেরকে কিছু উপহার দিয়ে সান্তান্য দান মহৎ লোকের কাজ।

৬। ঈদের দিন সৎকাজ করা ও তার শুকর (কৃতজ্ঞতা) আদায় করার দিন। অতএব এ দিনকে গর্ব, অহংকার, নজরবাজি, তাসবাজি, আতশবাজি ও অন্যান্য আঁবেধ খেলা, সিনেমা বা অবৈধ ফিল্ম দর্শন, গান-বাজনা শোনা, মাদকদ্রব্য সেবন প্রভৃতির মাধ্যমে অবৈধ হর্ষোৎফুল্ল দিন বানানো কোন মুসলিমের জন্য সমুচিত নয়। নচেৎ নেক আমলের শুকরিয়া আদায়ের বদলে কৃত আমলের ফলই নষ্ট হয়ে যাবে। অবশ্য এই পবিত্র খুশির দিনে ছোট শিশু কন্যারা 'দুফ' (ঢপঢপ আওয়াজবিশিষ্ট একমুখো ঢোলক) বাজিয়ে মার্জিত বৈধ গজল ইত্যাদি গাইতে পারে।

সতর্কতার বিষয় যে, বিশেষ করে ঈদের দিন ঈদের নামায়ের পর পিতামাতা বা কোন আত্মীয়-স্বজনের কবর যিয়ারতের প্রথা ইসলামে নেই। এ অভ্যাসটিকে কর্তব্য মনে করলে নিঃসন্দেহে তা বিদআত হবে। (আহকামুল জানায়েয, আলবানী ২৫৮পৃঃ)

মাদ্রাসা নববিয়া পিচকুরি-উত্তরা

মাদ্রাসা নববিয়া আমার ও আপনার মাদ্রাসা। এ মাদ্রাসা আল্লাহর সাহায্যের পর আমার ও আপনার সার্বিক সহযোগিতার

একান্ত সাফল্যের জন্য। সীমিত সাহায্যের পর আপনার দান ও সহযোগিতার কাঙ্ক্ষা। সন্তান